

مجله دانش

سری ۱۳۳۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیة در اتبعون اهدکم سبیل الرشاد

صاحب و مدیر مسئول : ح . اشرف ادیب

عدد ۳۴ - ۲۱۶ ۱۴ ذی القعدة ۱۳۳۰ پنجشنبه ۱۱ آشرین اول ۱۳۲۸ جلد ۲ - ۹

مَقَالَات

فرض اولان جهاد بوجهاددر

« جهاد » ك معنای ك بيوك زحمت و مشقت ديمكدر و بو معنا اعتباريله افضل اعمالدر . « خير الاعمال احزها » حديث شريفى دخی بونی تأیید ایدر .

محاربه هر نه صورته، هر نه کبی اسبابه مبنی اولورسه اولسون، امیر المؤمنین فرمانيله تعیین اولنش قوماندان طرفدن مخاصمین قارشى آچیلمش بر جهاددر، که مسلمانلر اوزرینه فرض اولان جهادده بودر. یالکز درجه فرضیت ده عینیت و کفایت درجه سنده ایکی به تقسیم اولنور. مدافعه به کافی درجه ده بر سواد تشکیل ایتک فرض کفایه ایسه ده، دشمن قوتی بزه تفوق ایتدیکی کبی فرض عیندر.

بو فرض، فرض قطعی اولوب هیچ بر تأویل کتورمیدیکی کبی، هیچ بر کونا معذرت ده قبول ایتمز؛ هر مؤمنه فرض اولور. زده ده بولنورسه بولنسون، کیمک تبعه سی اولورسه اولسون، کلوب جهاد اردوسنه اشتراك ایتسی فرضدر. علماء اسلامك بعض تأویللر ایله بیان معذرت ایتملری هیچ بر زمان معذرت شرعیه اوله منر.

اوردومزده خرسیتانلرک بولنه سی قطعاً جهاده مانع اوله ماز. وطن اولادی هر هانکی جنس و مذهبدن اولورسه اولور، وطن حقوقی مدافعه نقطه سندن بزمه بر ایشه بیلرلر. فقط جهادینه جهاددر. دشمنلر منر بو کون ما کیدونیا خرسیتانلری حقنده اصلاحات ایسته دکلری حالده، کندی تبعه لرندن اولان مسلمانلری چایر چایر کسپور، فته ایقلاط ایتدیلر بهانه سیله اعدامه محکوم ایدرک رسماً قورشونه دیزیورلر، معصومه مسلمان قادیلرینی، قیزلرینی طاغله آشیرمق صورتیه تحقیر ایتدکدنصوکره وحشتلریله افتخارده ایدیورلر. مدنی آوروپا سفرا و آتشیه میلتلری بولنری رأی العین مشاهده ایتدکلری حالده هیچ سسلرینی چیقارمیوب، دائماً بزدن خرسیتان قرنداشلری ایچون اصلاحات ایسته یورلر. قرال فردیناند کندیسنک خرسیتانلغی حمایه ایچون میدانه آتیلدیغنی رسمی بیاننامه ایله اعلان ایدیور. بولردن هیچ برینی آنلر کندیلری کزله مدکلری حالده، بزم ایچون اغماض ایتک نه دن ایجاب ایدیور؟

بزه وطندا شلق دعوا سنده بولنان مالیسورلر، عینی زمانده دیندا شلری اولان اعدالرمز معاونت و بزم خیانت ایدیورلر.

نفس پترسبورغده منتشر « رهچ » غزته سی (دها اعلان حرب اولمه دن) صربیه حدودنده بولنان عسا کر عثمانیه خرسیتان افرادندن یدی یوز شوقدر نفرک فرار ایدرک صربیه لی خرسیتان قرنداشلرینه التحاق ایتدکلرینی یازیور. بولنرک هپسینه قارشى کوزلرمزى نافله قاپامایلم، کندی کندیغی آلدیمه لم. کیمسه نك مقصدی اصلاحات فلان دکل، هر کس کندی منفعتی تأمین ایچون بهانه آرایور. آراده مغدور، مظلوم بر ملت وار ایسه ینه بچاره مسلمانلردر.

ناسزی - اکرالردن کاسه - دینکزدن چیقاروب کندی دینلرینه رد ایتدیرنجیه قادار . - وتوجیه دیکرله: مجرد سزی دینکزدن چیقارمق و کندیلرینه بکزنتمک ایچین . « ان یثقفو کم یکنوا لکم اعداء ویبسطوا الیکم ایدیهم والستهم بالسوء وودوا لتکفرون = اواعدای دین حق سزه غلبه چالارلر، سزی درزنجیر اسارت و محکومیت ایدرلرسه علیه کزده بسلدیکلری غیر قابل تعدیل غیظ مضمحلرینی در حال اظهار ایدرلر. سزه دست وحشت و افترا سلیرینی اوزاتیلرلر. جبراً آنلر بکزه دالوب عرض و ناموس کزی پامال حیوانیت ایدرلر. سزک الله کزده، پیامبریکزده، قرآنکزده، کعبه کزده، بوتون مقدسات دینه کزده آغیز دولوسی سبلر، دشناملر استفراغ ایدرلر. و بوتون روح صلیب پرستانه لرله سزک کفر و ارتداد. دکزی - آه...! شو مسلمانلر، دینلرینی براقوب ده بزم مذهبمزی قبول ایتسهر، بزمه بر لکده صلیبه طایسه لر... دی به - تمی ایدر دورورلر .»

ایشته بو سببه مبنی در، که قرآن کریم ده بزم مؤمنلره جهادی امر ایدر. حیات حقیقیه منر اولان مقدس دینک محفاظه سی ایچین بزی ار میدانه کوتورور. جنتک شهادت قاپیلرینی آچار. بزه ذوق فانی به بدل بر نعیم ابدی کوستریر.

حتی بزه فن حربک، تعیه نك لا یتغیر بلانلرینی ده او کرتمک لطف مخصوصنده بولونیر. ایشته ترجمه و تفسیری صد دنده بولوندیغمنر آیه جلیله ده کی - الا متحرراً لقتال او متحیزاً الی فئه - جمله استثنایه سی! تعیه نه قادار تجدد ایتسه، لطائف الحیلدن بیک بدایع ایجاد اولونسه ینه ساخته رجعت و تبدیل موضع حرکتلری اساس اولاراق باقیدر. صوکراده دشمن قارشیسنده عدم ثبات و فرارک جزاسنی قهر و غضبی، محبس جیحیمی اولمق اوزره تعیین ایدر.

تعیه آیه جلیله نك ایچنده اولدیغی کبی عسکری جزا قانون نامه الهیسی ده آنده. دشمن او کندن قاچانلر قرآن کریمی ایاقلریله چیکنه. مش اولورلر. کتساب الهی ها دشمنه چیکنه تمش، ها بالذات اوزرینه باصوب ازمش؛ نه فرقی واردر؟ بو کیلرک توبه لری عندالله پک کوچ جای قبول بولور. چونکه جنایتلری شخصی دکل، دیندر، ملیدر، قوجه بر ملتک حیاته سوء قصددر.

اوله سنک نه جنازه سی بیقانی، نه ده نمازی قیلنیر. اللهک مقهور و مغضوب علیه اولان بر جانی دین و قرآنک عاقبت حالی دنیا و آخرت خسرانندن باشقا بر شی اولاماز.

حقیقی مسلمان، دشمن قارشیسندن - بیک جانی اولسه فدا ایدر ده ینه - فرار ایتک جنایت عظماسنی ارتکابدن اللهنه صیغیر .



بالمائیلر اتحاد ایتیش ،

عثمانیلر سزده میدان شهامت قوشیکز !

« یریدون ان یطفوا نور الله بافواههم »
« ویا ای الله الا ان یم نوره ولو کره الکافرون . »
فرقان .

داها دون شانلی عثمانیلرک سیف حماسی آلتیده لرزه دار هراس
اولان بالقانک دربدر شماریقاری، بوکون کویا اتحاد ایدرک جهانی
شهامت وشجاعتی قارشوسنده واله براقان برملته، مایه اصلیه سی
خون حماسه نحر اولان بردولته میدان اوقومق جنته طوتولشیر !..
بلغارستانک تشویقیله صربستان، یونانستان، قره طاغ اتحاد
ایتیش، بالمائیلرک غنچه دار خاصه میزه لری اولان لوله لر، یایغاره لره
بوتون جهان انسانیته قارشو قرار اتحارلری مغرورانه اعلانه
یلتیشیر !

قادرلرک آرسلانلره میدان اوقومه سی آکدیران بوکورولتیلره
مقابل عثمانیلرک وقور ونجیب تحشدرلی، بیچاره لری بو هیاهای
سرمستی دن یقینده اویاندره جقدر . احقر دوشونمورلرک نورالهی
نفسله سوندیریلره من .

« سونری، سون ! دهی ویرمکه نور نامتناهی »
« نفسله قابل اطفامیدر چراغ الهی ؟ »

اسلامیتک تمثال اعتلاسی اولان هلال، قوزغونلرک حسیض
احتراسندن یک یوکسکدر .

خلیفه اردوسی، بوکیتی شان؛ سرسریلر ییغیندن، جوبانلر
درنکندن بیلارمی؟ کوکره مش آرسلانلر؛ قودورمش کلبلردن
هیچ چکینیرلری؟ !...

عصرلرجه سجده کاه موحدین اولان واسع برقطه نیک ابدیاً
نور توحیددن مهجور قلمه سنه رضای ربانی تعلق ایدرمی؟
هیچ شبهه یوق: اسلامیتک روی ارضده استنادکاه یکانه سی اولان
سلطنت عثمانیه ابدیاً پایدار اوله جقدر .

بالقان سرسریلری نه دولابلر چویررلرسه چویرسونلر، اونلرک
هرتورلو ملعتیلرینه رغماً دین مینک حارس ذی شوکتی اولان خلافت
اسلامیه نیک فروتایی کوندن کونه آرته جق، هلالک سایکاه شان وشکوهی
برکابن سعادت منقلب اوله جقدر .

بالقان خیایینلری نه یی ییلسونلرک مسلمانلر آرتق خواب غفلتدن
اویانیدیلر . (انما المؤمنون اخوة) سری تجلی ایتدی . عثمانیلر یکدل
ویک جان اولدیلر . تهلکه وطنیه قارشوسنده فرقه مجادله لری اورتدن
قالقدی . وطن اولادلری بربرلرینه صارلدیلر، برنیا ن مشید حالی
آلدیلر . نورالهی اونلرک دماغلرینی قاپلایان کابوس جهالتی تدریجاً
طاغیتور، قیلرینه اتحاد، فکرلرینه اعتلا، روحلرینه حماسه
حزمه لری ایثار ایدیور !...

شمدی بزم ایچون مهم اولان بر شی وار ایسه الحمدلله اورته ده
جهاد وار؛ بوکا شکر ایدلم؛ زیرا بزم حیاتم، بزم سلامتیم،
استقبال مزه ب بوراده در . حضرت الله « ولا تلقوا بایدیکم الی التهلکة »
بیورمش، جمهور علما ومفسرین ده: « ای بترک الجهاد » دیه تفسیر
ایتیشلر، یعنی جهادی ترک ایدرسه کز کندیکزی تهلکه یه آتمش
اولورسکز . یک دوغری تفسیردر . کره ارضد موجود مسلمانلرک
کافه سی (عثمانلی مسلمانلر نه ماعدا) جهادی ترک ایتدکاری زماندن
اعتباراً انقراض واسارته محکوم اولمشلردر .

بوکون جهاد اعلان اولمیه سی تأمین حیات دیمکدر . بو بویه در .
بو بویه اولدیفی ده عموم اهل اسلام حس ایتیش اولدیفنده شبهه یوقدر،
اعلان حرب ده اولمیه دن دنیانک اک هجری کوشه لرند مسلمانلره
وارنجه تأثیر ایتدی، آمریقاندن کوکلیر کله جکی اخبار اولندی،
ممالک عثمانیه نیک هر طرفده آرسلان یا ریلری حدودلره قوشیدیلر،
ایمان واشرافز کیسه حیتلری آجدیلر، درتیوز سنه دنبری سلاح
استعمال ایتهمش سیریا تانارلرندن حتی اون سکز آدم کوکللی قید
اولنهرق حدوده قدر کتیدیلر . موسقوه دارالفنون صوک صنف
طلبه سندن بویوک برعائله منسوب عارف افندی کریمی، مکتبئی
ترک ایدرک اوردومزه التحاق ایتک نیتیه دارالحلافیه کلدی
و بوکون ده حدوده کیتک اوزره در .

روسیه دن ده بر چوق دارالفنون طلبه سی، هلال احمر
ایچون ده مخدرات اسلامیه دن موسقوه طب فا کولته سی طالبائی
کله جکی آبروجه استخبار اولمشلدر .

بونلر هپ حیاته شتاب دیمک اولوب، مسلمانلرک ده اوله ظن
اولدیفی کی قورو پاتیردیلره پایوج چیقارمایه جقلرینی کوستریور .

ینه شریعت ضراء مطهره منک تعلیماتی ایله بزم عدالتدن بشقه
برمسکمز یوقدر، بوکره ده دشمنارمزه قارشو احقاق حق ایتدکدن
صوکره ینه بزمه برابر خیانت ایتیه رک بر وطنده یاشامق استه بیلره
قرده نظرله باقار و حقوق مشروعه لرینه ده تمامیه رعایت ایدرز .
مع مافی جهاد ینه جهاددر . هر مؤمن موحد مالی، جانی فدا ایتمکدن
قطعیاً چکنمز . محاربه توسع ایتدکجه، جهادک فرضیتی بوتون مسلمانلره
تعمم ایدر .

شیمیدن نتیجه حربدن بحث ایتک عبث ایسه ده؛ نیتیمز دوغری،
قلبیمز خالص اولدقجه اللهک نصرتی بزمه در . جهاد بو جهاددر .
آرتق هیچ بر بهانه ایله بونک اوکنه دوریه من . جهاد بو جهاددر .

عبدالرشید ابراهیم

